



Communicaziun a las medias

«Rezia Libra» rapinescha cusseglier federal

Cuir, ils 06-04-2018 – **Rumantschs che rapineschan in cusseglier federal? Betg propi. Mo forsa en il film? Probabel. En il rom dal «SRF Comedy-Frühling» emetta Radiotelevision Svizra Rumantscha (RTR) dals 9 fin ils 13 d'avrigl ina cumedia rumantscha. Las tschintg parts à trais minutas vegnan mintgamai mussadas suenter il «Telesguard» a las 17:50 sin SRF1 ed a las 20:00 sin SRF2.**

La cumedia «Rezia Libra» mussa co ch'ils cumbattants Niculin (*Lorenzo Polin*), Mengia (*Marina Blumenthal*), Placi (*Claudio Spescha*) e la scheffa Annatina (*Silvana Peterelli*) emprovan da deliberar la Rezia dals «Unterländeruns». Els han gia empruvà differentas chaussas – i saja be menziunà lufs e «Putsch-Dermont» – mo success n'han els anc betg gì. La Rezia è anc adina sut il giuf.

Il plan actual è cler: rapinar in commember dal Cussegl Federal e pretender la libertad da la Rezia. Realisar quai n'è però betg uschè simpel. Almain per Mengia betg, ch'è in pau sceptica, perquai che Placi n'ha anc mai dumagnà insatge.

«Rezia Libra», 09-04-2018 fin 13-04-2018

La cumedia «Rezia Libra» vegn emessa dals 9 fin ils 13 d'avrigl mintgamai suenter il «Telesguard» a las 17:50 sin SRF1 ed enturn las 20:00 sin SRF2.

Dapli infurmaziuns sin www.rtr.ch

Dapli infurmaziuns

Radiotelevision Svizra Rumantscha, Via da Masans 2, 7000 Cuir
Madlaina Niggli, referendaria communicaziun e marketing, tel. 081 255 74 34, madlaina.niggli@rtr.ch